



Пулнинг янги ранги. Хавфсизроқ. Зуккороқ. Ишончлироқ.

Америка Қўшма Штатлари ҳукумати мураккаб дизайни ва муҳофаза хоссалари ортирилган пул чиқариш режасини давом эттирмоқда. Ҳукумат янги дизайндаги 20 долларлик банкнотани 2003 йилда муомаллага киритган эди ва бу ҳолат бошқа номиналдаги пуллар учун ҳам давом этади. Янги 50 долларлик банкнота 2004 йилнинг охирида муомаллага чиқади, янги 100 долларлик банкнотанинг чиқиши эса 2005 йилга режалаштирилган.

Янги 50 долларлик банкнота биринчи марта 1990 йилда жорий этилган ва осон текшириладиган учта энг муҳим муҳофаза хоссаларини сақлаб қолган: **Сув белгиси, муҳофаза ипи ёхуд полимер чизик, ҳамда ранги ўзгарувчан бўёқ.**




Муҳофаза ипи
Банкнотни ёруғликка қаратиб муҳофаза ипи, ёки бошқача айтганда, полимер чизикни топинг. Ип қоғознинг ичига жойланиб суратнинг ўнг томонидан вертикал ўтган. Яхшилаб қарасангиз банкнотнинг икки четидан ипга ёзилган «USA 50 (АҚШ 50)» сўзлари билан кичкина байроқнинг расмини кўрасиз. Ультрабинафша нурга тутганда ип сариқ бўлиб товланади.


Ранги ўзгарувчан бўёқ
Банкнотнинг олд томонида пастки ўнг бурчагига ёзилган «50» рақамига қаранг. Банкнотнинг бир томонини қияроқ ушлаб қарасангиз ранги ўзгарувчан бўёқ мис рангдан яшилга айланади.

Сув белгиси
Банкнотни ёруғликка қаратиб сув белгисини, ёки Президент Улиссес С. Грантнинг катта суратига ўхшаш шаффоф тасвирни топинг. Сув белгиси қоғознинг ажралмас қисми бўлиб, уни банкнотанинг иккала томонидан ҳам аниқ кўриш мумкин.

ҚўШИМЧА ДИЗАЙН ВА МУҲОФАЗА ХОССАЛАРИ



Ранг
Янги дизайндаги банкнотнинг кўзга ташланадиган энг катта фарқи, банкнотнинг иккала томонига ҳам нозик йўсинда хаворанг ва кизил рангдаги фоннинг қўшилгани бўлди. Шунингдек, банкнотнинг орқа томондаги фонга сариқ рангдаги кичкина 50 рақамлари туширилган.



Озодлик белгилари
Янги тасвирини кўрсатиш учун 50 долларлик банкнотнинг олд томонига озодликнинг янги белгилари туширилган. АҚШ нинг юлдузли ва йўл-йўл байроғи хаворанг ва кизил ранглар билан Президент Грант суратининг ортига жойланган. Хаворанг юлдузча туширилган майдон суратнинг чап томонига, учта кизил йўл эса суратнинг ўнг томонига қўйилган. Металл тусли кумуш хаворанг юлдузча суратнинг пастки ўнг томонига жойлашган. Озодлик белгилари ҳар бир номиналдаги пул бирлиги учун бошқача бўлади.



Сурат ва шакллар
Банкнот олд тарафида Президент Улиссес С. Грант сурати ва банкнот орқа тарафидаги Америка Қўшма Штатлари Капитолийси тасвири атрофидаги овал доира ва ингичка чизиклар олиб ташланган. Сурат юқорига сурилган ва суратдаги елкалар доира чегараси томон кенгайтирилган. Қўшимча ўймакор нақш деталлари тасвир фонига қўшилган.



Микронашр
Ўта кичик бўлгани туфайли микронашр этилган сўзларни қалбақилантириш қийин. Янги дизайндаги 50 долларлик банкнотнинг олд томони учта жойдаги сўзлар микронашр усули билан босилган: «FIFTY (ЭЛЛИК)», «USA(АҚШ)» ва «50» сўзларини сурат чап томонидаги икки хаворанг юлдузчанинг ўртасида кўриш мумкин; тақрорланиб келган «FIFTY (ЭЛЛИК)» сўзи банкнотнинг иккала томонидаги хошиясида ҳам кўринади; Президент Грантнинг ёқаси, соқолининг остида эса «THE UNITED STATES OF AMERICA (АМЕРИКА ҚўШМА ШТАТЛАРИ)» сўзлари кўринади.



Кўзи ожизлар учун пулнинг қийматини кўрсатувчи рақамни катта қилиш
Банкнотнинг орқа тарафи пастки ўнг бурчагига катта қилиб ёзилган «50» рақами кўзга аниқ ташланиб туради.



Қоғоз
Пул босилган қоғознинг тўртдан бир қисми зигир ва тўртдан уч қисми пахтадан иборат бўлиб, кизил ва кўк тола қўшилган.



Федерал Резерв Фондининг Кўрсаткичлари
Портретнинг чап томонидаги умумий муҳр бутун Федерал Резерв Тизимини ифода этади. Чап томондаги серия рақами остидаги харф билан рақам уни чиқарган Федерал Резерв Банкни билдиради.



Серия рақамлари
Ўн битта тақрорланмайдиган рақамдан иборат сон билан харфлар термаси банкнотнинг олд томонида иккита жойга ёзилган. Янги 50 долларлик банкнотада чапдаги серия рақамлари олдинги дизайндаларга қараганда ўнг тарафга сал сурилган.